



**V Međunarodna naučno-stručna konferencija
„Unapređenje kvalitete života djece i mladih“
Igalo, Crna Gora, 21.-22. juna/lipnja 2014. godine**

UPUTSTVO AUTORIMA

Na Konferenciji će biti izlagani originalni naučni radovi, kratka naučna saopštenja, stručni radovi, pregledni radovi, prikazi slučajeva, izvještaji i obavijesti.

Radovi upućeni za objavljivanje, trebaju biti pisani na nekom od službenih jezika BiH i/ili engleskom jeziku.

Rad koji odgovara tehničkim uvjetima biti će podvrgnut recenziji. Radovi ne trebaju biti duži od 10 stranica (za originalne naučne radove), stranica (za preliminarna naučna obavještenja i stručne članke), te 2 stranice (izvještaji).

U pripremi radova pridržavati se slijedećih uputa:

a) radovi moraju biti otkucani sa proredom 1,0 (Times New Roman, 11pt), na papiru formata A4, s 3,5 mm slobodnog ruba na lijevom rubu papira; te 2,5 mm slobodnog ruba na gornjem, donjem i desnom rubu papira.

b) sve skraćenice prethodno moraju biti napisane u punom obliku

c) reference iz literature potrebno je u tekstu označiti brojem u superskriptu, npr. X₃

U radovima je obavezno korišćenje međunarodnog sistema mjera (SI) i standardnih međunarodno prihvaćenih termina.

Tabele i slike

Slike, tabele i ostale grafičke cjeline po širini ne smiju da prelaze margine, a po dužini ne smiju biti duže od jedne stranice. Tabele i slike se numerišu arapskim brojevima (broj i naslov se ispisuju iznad tabele, a ispod slike, na jeziku naroda Bosne i Hercegovine i na engleskom jeziku); primaju se samo crno bijele slike rezolucije 300dpi i više.

Priprema rada

Dijelovi rada su: **naslovna strana, apstrakt sa ključnim riječima, tekst i literatura.**

1. *Naslovna strana*

- a) Naslov (na engleskom i bosanskom jeziku) treba da bude kratak, jasan i informativan i da odgovara sadržaju rada (Times New Roman, 14pt, Caps Lock, centralno poravnanje).
- b) Ispisuju se puna imena i prezimena svih autora (Times New Roman, 12pt, centralno poravnanje).
- c) Navode se puni nazivi ustanove i organizacijske jedinice u kojima rade autori i mjesta u kojima se ustanove nalaze (označeno superskriptom, Times New Roman, 10pt, centralno poravnanje).

2. Apstrakt i ključne riječi (Times New Roman, 10pt, obostrano poravnanje).

Za originalne naučne i stručne radove na drugoj stranici nalazi se strukturisani apstrakt sa naslovom rada. Na jeziku naroda Bosne i Hercegovin i/ili engleskom jeziku (**250** riječi) iznosi se **uvod i cilj** rada, **metode, rezultati** (konkretni podaci i njihova statistička značajnost) i **zaključak**. Za radove na engleskom jeziku dozvoljeno je i do **450** riječi u apstraktu na jeziku naroda Bosne i Hercegovine.

Ispod apstrakta, pod podnaslovom „Ključne riječi“ treba predložiti 3-6 ključnih riječi ili izraza koji oslikavaju sadržinu članka.

3. Tekst članka (Times New Roman, 11pt, obostrano poravnanje)

Tekst sadrži sledeća poglavlja: **Uvod, Metode, Rezultati i diskusija, te Zaključak**.

Ukratko iznijeti razloge za studiju ili posmatranje. Navesti samo relevantne podatke iz literature i ne iznositi opširna razmatranja o predmetu rada, kao ni podatke ili zaključke iz rada o kome se izvještava. Navesti hipotezu (ukoliko je ima) i ciljeve rada. Jasno opisati izbor **metoda** posmatranja ili eksperimentalnih metoda. Indentifikovati metode, navesti podatke iz literature za uhodane metode, uključujući i statističke.

Rezultate navesti logičkim redoslijedom u tekstu, tabelama i ilustracijama. U tekstu naglasiti ili sumirati samo značajna zapažanja. U **diskusiji** naglasiti nove i značajne aspekte studije i izvedene zaključke. Posmatranja dovesti u vezu sa drugim relevantnim studijama. Povezati zaključke sa ciljevima rada, ali izbjegavati tvrdnje i one zaključke koje podaci iz rada ne podržavaju u potpunosti.

4. Literatura

Literatura se u radu citira kao superskript, a potpisuje rednim brojevima pod kojima se citat pojavljuje u tekstu. Navode se svi autori, ali ako broj prelazi tri, navodi se prvi autor i dodaje *et al.* Svi podaci o citiranoj literaturi moraju biti tačni. Ne prihvata se citiranje usmenih saopštenja i neobjavljenih radova. Podaci sa *Interneta* citiraju se uz navođenje datuma pristupa.

5. Tabele

Sve tabele štampaju se sa jednostrukim proredom, Times New Roman, 10pt. Obilježavaju se arapskim brojevima, redosljedom pojavljivanja, u desnom uglu (Tabela 1.), a svakoj se daje kratak naslov na jeziku naroda Bosne i Hercegovine i na engleskom jeziku. Svaka tabela mora da se spomene u tekstu. Ako se koriste tuđi podaci, obavezno ih navesti kao i svaki drugi podatak iz literature.

6. Slike

Slikama se zovu svi oblici grafičkih priloga. Legende za sliku pisati ispod slike, koristeći arapske brojeve. Ukoliko se koriste simboli, strelice, brojevi ili slova za objašnjenje pojedinog dijela slike, svaki pojedinačno treba objasniti u legendi.

7. Skraćenice i simboli

Koristiti samo standardne skraćenice. Skraćenice u naslovu i apstraktu treba izbjegavati. Pun naziv sa skraćenicom u zagradi treba dati kod prvog pominjanja pojma u tekstu.

8. Etika

Pri izvještavanju o humanim eksperimentima, treba naznačiti da li su ove procedure bile u skladu sa etičkim standardima (institucionalnim ili regionalnim). Ne koristiti imena pacijenata, inicijale ili bolničke brojeve.

9. Reference (Times New Roman, 10pt, obostrano poravnanje)

Literarne reference treba pisati u skladu sa Vankuverskim pravilima, na način na koji slijedi: prezime, inicijal imena, ime (svih autora), tačka, naziv članka, tačka, naziv časopisa, godina publiciranja, tačka zarez (;), volumen, zagrada sa brojem časopisa, dvije tačke (:), broj prve i zadnje stranice članka, tačka.

Primjeri navođenja referenci:

Za članak u časopisu:

Huremović A, Iličković M. Sposobnosti organizacije leksičkih znanja u osoba oštećenog sluha. Defektologija 2007; 13 (2): 169-177.

Za knjigu:

Vantić-Tanjić M, Nikolić M. Inkluzivna praksa – od segregacije do inkluzije. Tuzla: OFF-SET, 2010.

Za poglavlje u knjizi:

Smith-Jordan L. Aphasia. In: JB Tomblin, HL Moris and DC Priestersbach. Diagnosis in Speech-Language Pathology. San Diego: Singular Publishing Group Inc., 1994: 165-176

Magistarski i doktorski radovi:

Mrkonjić Z. Povezanost verbalne komunikacije sa kvalitetom života u osoba sa afazijom. Doktorska disertacija. Edukacijsko-rehabilitacijski fakultet Univerziteta u Tuzli, 2009.

Web stranica:

Udruženje za podršku i kreativni razvoj djece i mladih. Konferencija. Retrived March 8, 2011, from www.upkr.org

10. Zahvale

U apendixu je dozvoljeno navesti zahvale za:

- a) odjel
- b) tehničku pomoć
- c) finansijsku i materijalnu pomoć

Navesti finansijske relacije koje bi mogle biti uzrok konflikta interesa.

Radovi koji nisu pripremljeni po uputstvima, vraćat će se autorima na doradu.